



# Rekstrarstöðvunartrygging fyrir kúabú

## Hóprtrygging fyrir mjólkurframleiðendur innan KS

Skilmáli nr. ER25

Tryggjandi er VÍS tryggingar hf., kt. 670112-0470, hér eftir nefnt „VÍS“.

### Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. ER25.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávíkjanlegum lagaákvæðum.

**Rekstrarstöðvun fyrir kúabú** bætir tap sem verður við stöðvun rekstrar og leiðir af sér samdrátt í mjólkurframleiðslu. Tryggingin bætir tjón vegna bruna og óveðurs.

Skilmáli segir til um hvaða réttindi og skyldur þú og VÍS hafið. Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

## 1. Hver er tryggður?

- 1.1 Allir mjólkurframleiðendur á lögbýlum sem leggja inn mjólk hjá Kaupfélagi Skagfirðinga (KS).
- 1.2 Tryggður getur ekki gert fyrirvara um þátttöku í tryggingu þessari.

## 2. Hvar gildir tryggingin?

- 2.1 Tryggingin gildir á þeim stað þar sem mjólkurframleiðsla tryggðs fer fram.

## 3. Hvað bætir tryggingin?

- 3.1 Tryggingin bætir framlegðartap sem tryggður verður fyrir við stöðvun rekstrar á tryggingartímabilinu og leiðir til samdráttar í mjólkurframleiðslu af völdum:
  - a) Bruna.
  - b) Óveðurs.
- 3.2 Tryggingin tekur einnig til óhjákvæmilegs aukakostnaðar sem tryggður verður fyrir á bótatímanum og beinlínis verður rakinn til þess að fjós tryggðs verður ekki notað sökum bótaskylds atburðar sem trygging þessi tekur til.
- 3.3 Það er skilyrði bótaskyldu samkvæmt gr. 3.1 og 3.2 að fyrir hendi sé trygging á lausafé eða húseign sem bætir það tjón sem olli rekstrarstöðvuninni.

## 4. Hvað bætir tryggingin ekki?

- 4.1 Tryggingin bætir ekki:
  - 4.1.1 Aukið framlegðartap sem hlýst af rekstartöfum vegna endurbóta, stækkunar, fjármagnsskorts, fyrirmæla hins opinbera eða sambærilegra atvika.
  - 4.1.2 Aukið rekstartap sem hlýst af verkbanni og/eða verkfalli.
  - 4.1.3 Tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.

## 5. Áhættubreyting

- 5.1 Tryggður skal tilkynna VÍS ef breytingar verða gerðar á húseign þeirri sem mjólkurframleiðslan fer fram í eða breyting verði á starfsemi sem fram fer í sama húsnæði og mjólkurframleiðsla og eykur hættu á tjóni. Vanræksla á þessu getur leitt til þess að VÍS sé laust úr ábyrgð í heild eða að hluta, sbr. 24. gr. laga um váttryggingarsamninga nr. 30/2004.



## 6. Háttsemi annarra

- 6.1 VÍS getur borið fyrir sig háttsemi stjórnenda tryggðs og umsjónarmanna einstakra muna, tækja og fasteigna.

## 7. Skyldur tryggingartaka

- 7.1 Tryggingartaki skal halda skrá yfir mjólkurframleiðendur sem falla undir trygginguna.  
7.2 Tryggingartaki skal sjá til þess að tryggðir mjólkurframleiðendur fái afrit af skírteini, skilmálum þessum og almennum skilmála VÍS.

## 8. Tryggingarfjárhæð

- 8.1 Tryggingarfjárhæð skal nema áætlaðri brúttóveltú tryggðs vegna mjólkurframleiðslu fyrstu 24 mánuðina eftir upphaf bótatímans.  
8.2 Með brúttóveltú er átt við bókfærða sölu vegna mjólkurframleiðslu auk opinberra beingreiðslna sé um þær að ræða að frádregnum virðisaukaskatti.

## 9. Eigin áhætta

- 9.1 Framlegðartap sem að öllu leyti eða hluta verður á fyrstu 24 klukkustundunum frá því að rekstrarstöðvunin varð bætist því aðeins að áhrif rekstrarstöðvunarinnar varir lengur en í 30 sólarhringa frá því tjónsatburðurinn varð.

## 10. Ákvörðun bóta

- 10.1 VÍS greiðir bætur að hámarki í 24 mánuði en þó aldrei fyrir lengra tímabil en að mjólkurframleiðsla tryggðs hafi náð framlegð eins og hún var á tjónsdegi.  
10.2 Tryggður á aldrei rétt á hærri bótum en með þarf til að bæta tjón það sem hann hefur orðið fyrir og tryggingin tekur til.  
10.3 Bætur miðast við sama hlutfall af bótagrundvellingnum og samdráttur í mjólkurframleiðslu tryggðs varð vegna tjónsatburðarins.  
10.4 Ef útgjöld sparast á bótatímanum lækka bætur að sama skapi. Opinberir styrkir sem tryggður kann að eiga rétt á koma einnig til lækkunar bóta.  
10.5 Sé ekki fyrirhugað að hefja mjólkurframleiðslu tryggðs að nýju miðast bótafjárhæð við þann tíma sem eðlilegt má telja að liðið hefði þar til rekstur gæti hafist að nýju, þó aldrei lengur en 24 mánuði. Bætur á þessu tímabili miðast við óhjákvæmilegan, sannanlegan kostnað tryggðs.  
10.6 Hafi mjólkurframleiðslan stöðvast varanlega af orsökum sem tryggður ræður ekki við greiðast bætur samkvæmt gr. 10.3, þó aldrei í lengri tíma en eðlilegt hefði mátt telja að liðið hefði þar til rekstur gæti hafist að nýju og aldrei lengur en 24 mánuði.  
10.7 Greiðsla aukakostnaðar er háð samþykki VÍS hverju sinni bæði hvað varðar fjárhæð og eðli útgjalda.

## 11. Breyting á skilmálum á tryggingartímabili

- 11.1 VÍS er heimilt að breyta skilmálum þessum á tryggingartímabili, sbr. 59. gr. laga um váttryggingarsamninga nr. 30/2004.

## 12. Upphaf og lok tryggingarverndar tryggðs

- 12.1 Ábyrgð VÍS gagnvart tryggðum hefst þegar hann hefur lagt inn mjólk hjá KS í fyrsta sinn eftir að tryggingin tók gildi.  
12.2 Ef tryggingunni er sagt upp, hún ekki endurnýjuð eða fellur úr gildi vegna vanskila tryggingartaka, fellur hún úr gildi gagnvart tryggðum einum mánuði eftir að VÍS sendi tilkynningu til tryggðs um brottfall hennar.

**Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.**